

**PETRI GEMELLII  
THEOLOGI  
PARISIENSIS IN  
FESTO,  
SANCTISSIMAE...**

---

Petrus Gemellius



PETRI CEMENTI

THEOLOGICI PARISIENSIS

ATQVE SACRI THEOLOGII

PROFESSORIS

ET REGII ACADEMIE SCIENTIARUM

MEMBRUM

IN REGIA BIBLIOTHECA

PARISIENSIS

ACQUIZITUM ANNO 1789



ANNO 1789

R. O. M.

PARISIENSIS



AD ILLVSTRISSIMVM  
D. D. SCIPIONEM REBIBAM  
Episcopum Sabinensem S. R. E. Card.  
De Pisis nuncupatum.

ANTON: VACCAE IVRISCONSULTI.  
EPIGRAMMA.



*VI tibi se totū sincero affectus amore  
Dedit, ille sua haec nunc tibi iure  
dicat*

*Scipio, lure quidem seu toto dimidium plus,  
Seu si plus totum dimidio esse uelis,  
Namque sui uix quidquam habeat, qui totus  
Asterius, domino statq. caditq. suo (in are  
Tu uerò accipies hac magni muneris instar,  
Si libet, id tua quod grati agrata facit  
Materies tractata quidem sublimis & alta est  
Nec nisi purgata mente liquere potest.  
Conuenit illa tibi & quae Sancto numine plenis  
Quae supra captum cognita sunt hominum.*





PETRI CEMELLII

THEOLOGI, PARISIENSIS  
IN FESTO SANCTISSIMAE  
TRINITATIS.

Oratio.



ESTVS hic dies, Beatissime pater,  
expostulat, ut de incomprehen-  
sibili Sanctissime Trinitatis myste-  
rio dicā, cuius ex obscuritate diffi-  
cultas omnium assensione tanta est, ut sapien-  
tissimorum atque adeò Christianè Philoso-  
phantium ingenij acumen hætenus retude-  
rit, ut in hanc beati Pauli, acclamationem  
omnes compellamur: O altitudo diuitiarum  
scientiæ, & sapientiæ Dei, quàm incompre-  
hensibilia Iudicia eius, & inuestigabiles viæ  
eius, Adeò sanè obscura est, hæc Sanctissimæ  
Trini-

*Rom. 1*

Trinitatis in Vnitate Speculatio, ut consultius  
fecisse uidear, si cum Neoptolemo, qui sibi,  
sed paucis philolophandum dicebat, ex se-  
cretiore Theologia, de Trinitate, per ea, quæ  
Deus hominibus reuelata uoluit, breuiter di-  
xero, quàm si in re, quæ huiusmodi est, ut nul-  
libi laboriosius aliquid quærat, nec pericu-  
2 losius alibi erretur, importunum me percun-  
ctatorem, ac illicite curiosum præbuero:  
3 Quod cum facio, Patres Illustrissimi, quam af-  
fectu audientiam pollicemini, auribus precor,  
non denegare.

Et si, B. P. nulla gens fuerit, tam fera,  
Rom. 1. tam immanis, & barbara; quæ aliquã Dei noti-  
tiam non habuerit, Tamen Christiani, qui-  
bus Iustitia Dei, ex fide in fidem reuelata est,  
de Deo, uno, uero, trino in personis, in cuius  
cognitione, & fruitione, hominis scælicitas po-  
sita est, Vnitatem fecundam, Trinitatem in-  
comprehensibilem, unigenito ipso, qui est in  
sinu patris enarrante, ac spiritu sancto illis in-  
spirante, ueram, certam, distinctamque supra  
cæteros, lumine fidei, cognitionem habuerunt.  
Ioa. 1. isti d. nimirum profitentes, aliarum scientiarum  
initia, manifesta esse oportere, & prope aspec-  
tabilia, huius uero speculationis, quæ de diuinis  
est,

est, paradoxa; inopinata, nisi superiore fidei  
lumine, mentes humanæ illustrentur: Acce-  
dente enim ad Deum, non quærere, sed cre- *Hebr. 1.*  
dere oportet, quia est. Nisi crediderimus, non  
intelligemus, assensione, non disputatione,  
orationibus, non rationibus opus est, Hic non  
magnitudo sensus, sed humilitas, hic non sub-  
limitas sermonis, sed ostensio uirtutis requi-  
ritur, Ideoque Christus inquit: Confiteor ti- *Matth. 11.*  
bi pater, Domine cœli & terræ, quod hæc ab- *Luc. 10.*  
scondisti à sapientibus & reuelasti ea paruulis,  
humilitas sanè ac simplicitas credendi, omni-  
bus qui quærunt Dominum & faciem christi  
sui, necessaria est, & quanto quis se ipsum ma-  
gis despicit & abnegat, tanto penitus fide De-  
um attingit. Itaque philosophi & sapientes hu-  
ius seculi, scrutatores maiestatis diuinæ, opres-  
si à gloria, uix umbram ueræ sapientiæ assecuti,  
euanuerunt in cogitationibus suis & sapien-  
tes se esse credentes, stulti facti sunt: cum  
enim, mentis humanæ acies inualida, in tam  
excellenti luce non figeretur, nisi per Iustiti- *Ad heb. 9.*  
am fidei, ab operibus mortuis emundata, &  
supra naturam eleuata, ad seruiendum Deo  
uiuenti, ac, ut inquit, Iustinus Martyr, non ni-  
si docente ac reuelante Deo, res diuinæ co-  
gnosci



gnosci possent, ipsi, uerò, sibi nimium tribu-  
 endo, quasi satis haberent in se à natura pro-  
 fidii, ad diuina intueudum & uera, à falsis, se-  
 cernendum: ob nescio quam perexiguam &  
 adumbratam scientiæ & literaturæ persuasio-  
 nem, nolentes intrare in potentias Domini,  
 in ipso statim portu ac limine impingentes,  
 alii nullam dixerunt, alii falsam, pro uera, Re-  
 ligionem tenuerunt, ut certissimum sit, ani-  
 males philosophos, ambulantes in uanitate  
 sensus sui, obscuratum habentes intellectum,  
 alienatos a uita Dei, non solum perfectam, in  
 diuinis, ueritatem non inuenisse, sed nec inue-  
 nire potuisse, cum quomodo & ubi quæren-  
 da esset ignoraret: Sensû enim Domini quis in-  
 telliget, nisi Deus dederit sapientiam & mise-  
 rit spiritum sanctum suum, de altissimis? No-  
 tæ sunt ipsorum Philosophorum; de ignora-  
 tione ueritatis, confessiones, ut si quid de re-  
 bus diuinis præclarè dixerint, à Christianis ac-  
 cepisse facile conuincantur: Ita enim, Iustinus,  
 Martyr, Clemens Alexádrinus, Eusebius, eru-  
 ditè docent, quæ apud Homerum, Hesio-  
 dum, Platonem & alios, de uno Deo & reli-  
 quis nostræ religionis capitibus habentur, ex  
 sacris libris esse deprompta & partim, quæ-  
 dam



transcripta, partim intextis fabulis non nihil  
mutata atque deprauata; Ex hac una, uni-  
us ueri Dei ignoratione, quem nos Christia-  
ni colimus profiteamur, inuocamus, adora-  
mus, philosophi & sapientes huius sæculi, se,  
& alios, summis, in explicabilibusque dam-  
nationis erroribus inuoluerunt: Hæc est enim  
uita, æterna, ut cognoscamus Deum uerum  
& quem misit Iesum Christum Hinc forte, se-  
ctarum, inter philosophos initia, Hinc Athei,  
idololatæ, Iudæi & heretici philosophorum  
filii prodierunt, in quibus debilitandis atque  
frangendis, animosa fide, ueteres homines, ad  
nostra usque tempora; Orthodoxi Patres, sin-  
gulari quodam & singulis accõmodando, di-  
sputandi genere, operam, studiumque po-  
suerunt; Philosophos enim & Atheos, qui  
scripturas non recipiunt, mutatis a Metha-  
physico & naturali Philosopho rationibus,  
quasi propriis armis Iugularunt, Iudæos &  
hereticos, prope domesticos hostes, domesti-  
cis armis, sacris uidelicet scripturis, expugna-  
runt, Iudæos quidem, scriptura ueteris testa-  
menti, Hereticos uerò primum, scripturis utri-  
usque testamenti, quarum interpretationem in  
dubiis, Ecclesiæ Iudicio relinquendam sapien-

Ioan. 17.

ter. iudicarunt, ne indocti & instabiles, ad suam ipforum perditionem, apostolica scripta, malitiosè magis, quàm ignoranter, peruerterent, Deinde traditionibus Ecclesiæ, Decretis pontificum, œcumenicis Conciliis & antiquorum Patrum testimoniis, Quibus quidem, argumentorum generibus, orthodoxi patres, omnes de religione controuersias, cum aduersariis gloriosè composuerunt, Omnes, de unò Deo & uero, omnes de Trinitate personarum, in unitate essentiæ, quæstiones, cum Atheis, Iudæis, Philosophis & hereticis, cum Arrio, Eunuio, Sabellio, & aliis de sanctissima Trinitate personarum perperam, & impie sentientibus, ad catholici dogmatis defensionem ita definierunt, concluderunt, ut nullus iam, ad resiliendum, sensus & motus in modernis Trinitariis, contra catholicam ueritatem, posse subsistere uideatur.

Hoc unum igitur superest, Patres Illustrissimi, ut quid de sanctissima Trinitate, fide catholica, credendum, recipiendum, profitemdum sit, breuiter concludamus.

Orthodoxorum omnium Patrum, Athanasii, Hilarii, Gregorii theologi, Basilii, Ioannis Chrysostomi, Cyrilli, Cypriani, Augustini

gustini & Conciliorum œcumenicorum, insti-  
 tutum est; Beatissime pater, docere, secun-  
 dum scripturas, quod Deus, tam ineffabilis  
 est, ut unus existens, trinus sit, una natura  
 nullo modo multiplicabilis, neque ulla est in  
 ea diuersitas, sed perfecta unitas; unum, hæc  
 sic est, ut nulla sit, in ea, solitudo. nulla or-  
 bitas, sed tres sint in hac: omnimodè una  
 natura personæ, pater generans, filius geni-  
 tus, spiritus sanctus - à patre & filio proce-  
 dens, ac genitoris & geniti, nexus & unio. Quæ  
 singula, cum tam longè, intelligentiam hu-  
 manam superent; ut nullum flumen ingenii,  
 nulla dicendi copia, rationem tanti misterii  
 complecti posse uideatur, ut uel sola muta-  
 tione nominum, Vnitatis & Trinitatis, gra-  
 uissimè, impingamus, ac licentia uerborum, *August. 10.*  
 falsas interdum opiniones gignamus, uidebi-  
 tur profecto, gloriola, ineffabilis, & incumpre-  
 hensibilis, Trinitas unus Deus, pio quo-  
 dam silentio & mentis excessu, magis quam *De ciuitate*  
 uerbis honoranda; De qua tamen, duobus *Dei cap. 2.*  
 modis, ueteres solitos fuisse tractare, scribit *1. d. Trinit.*  
 Augustinus: Quidam, inquit, dum Trinitatis  
 aliquod specimen, quod humano captui esset  
 accomodatam, effingere uellent, exemplis

potissimum uſi ſunt, uelut intellectus, uolun-  
 tatis & Memoria, quæ tres inuicem diſtinctæ  
 facultates, unicam animæ complent eſſenti-  
 am, item animæ, corporis & uitalis caloris,  
 quæ ſua inter ſe natura diſtincta, in unicam  
 hominis hypochſiſin concurrunt, Huc per-  
 tinere poterit, quod de beato Lupo, in Gal-  
 lijs, Senonēſi Archiepiſcopo, ſua commemo-  
 rat hiſtoria, qui cum Deum precaretur, in tre-  
 mendo altaris myſterio, ut ſibi, Trinitatis ſan-  
 ctiſſimæ, ſpecimen aliquod oſtenderet, ſacræ  
 peragendo, tres pretioſiſſimos lapillos cœli-  
 tus in ſacrum ſuum calicem demiſſos, in unū  
 lapidem coaluiſſe. Sunt plura alia ad Unitatis  
 & Trinitatis rationem explicandam, aduerſus  
 proteruos diſputatores, qui rationibus natu-  
 ralibus fidem ſibi fieri uolunt, non contem-  
 nenda exempla Nam etſi comparatio terre-  
 norum & humanæ naturæ ad Deum nulla ſit,  
 nec ad res diuinas explicandas, humana elocu-  
 tio ſufficere poſſit Tamen noſtræ intelligen-  
 tiæ infirmitas, cogit ſpecies quaſdam ex infe-  
 rioribus, tanquam ſuperiorum Iudices quære-  
 re, ut rerum familiarium conſuetudine ad mo-  
 nente, ex noſtri ſenſus conſcientia ad inſoliti  
 ſenſus opinionem edoceamur. Alius de Tri-

*Hilarius.*  
*De Trinit.*  
*lib. 1. 4. ct. 7*

nitare tractandi modus securissimus uidetur,  
cum scilicet, simpliciter absque uel demon-  
stratione uel exemplo, ueritas ex sacra scrip-  
tura, proponitur credenda. Qua methodo  
usum beatum Ioannem Euangelistam audia-  
mus, qui Christi aduentum ac humanam re-  
demptionem, expositurus, necessitate qua-  
dam à Sanctissimæ Trinitatis declaratione ex *Ioan. 1.*  
orsus est: In principio, erat uerbum, & uer-  
bum, erat apud Deum, & Deus, erat uerbum,  
cum ante aduentū Christi, parum cōmunicata  
Trinitatis speculatio haberetur: Nam etsi in  
ueteri testamento multa sunt loca quibus in  
Deo pluralitas insinuat, parū tamen & pau-  
cis extitit, apud eos explicata hæc distincta  
personarum in Vnitate naturæ ueritas, cū aliis  
de causis. rñ quòd tres in diuinis personæ  
nondum distinctè apparuissent ut postea in  
Baptismo Christi, & missione Spiritus sancti,  
nondum ad sacratissimorum nominum nō-  
uitatem, cœlorum palacia referata uide-  
bantur, nondum hæc uox, Dei patris, in  
Christi transfiguratione, ut & in baptismo  
personuerat: Hic est filius meus dilectus in  
quo mihi bene complacui ipsum audite: Nō-  
dum hæc Christi promissio discipulorum inē

*Marc. 1.*  
*Bernard. in*  
*sermo. de S.*  
*Ioh. Bap.*

tes exhilarauerat: Rogabo patrem & alium  
 paracletum dabit uobis ut maneat uobis-  
 cum in æternum, spiritum ueritatis qui à pa-  
 tre procedit, ille me clarificabit, quia de meo  
 accipiet. Cœpit enim tum post baptismum  
 Christi, accensionem in cœlum & spiritus san-  
 cti missionem celebris esse distincta perso-  
 narum, patris, filii & Spiritus sancti, in baptis-  
 mo & cæteris Ecclesiæ benedictionibus enun-  
 ciatio: Sic fides, quæ est ut inquit Paulus  
 ex auditu, & auditus per uerbum Dei, ple-  
 nissime comparatur, nutritur, augetur, ac-  
 curatur, illustratur. Satis autem, meo iudicio,  
 de sanctissima Trinitate ad salutem cognoue-  
 rit, qui reuelata à Deo, eo quo proponuntur  
 modo ab Ecclesia tenenda, pia credendi sim-  
 plicitate receperit, ut hic non intelligenda mē-  
 te ueneretur, intellecta ueneranter teneat, et  
 quæ nondum cognoscit humiliter expectet.  
 Sunt etenim multa in Theologia inexplica-  
 bilia in quibus quiescere intellectus hominis  
 non potest nisi confessa ignorantia, Ideoque  
 scriptum est, Altiora te ne quæsieris & fortio-  
 ra te ne scrutatus fueris, sed quæ tibi præcepit  
 Deus, illa cogita semper & in pluribus operi-  
 bus eius ne fueris curiosus: Sunt enim nobis  
 diui-

Greg. lib. 2.  
 moral. cap. 9

eccle. 3.



uina opera admiranda, laudanda, extollenda, verum non sunt semper uel imitanda, anxie uel perfecte ut intelligamus quærenda: Nam si uel tantillum illa uoluerimus ultra fidei nostræ mensuram intelligere, ipsa eorum luce reuerberante animæ nostræ acies excoecabitur.

Quicquid ergo ratio clamauerit, quicquid apparens probabilitas ostenderit, in cognitione Dei. & Sanctissimæ Trinitatis mysterio, ne uiribus nostris sed reuelati Deo, & ecclesiæ innitamur, credamus reuelanti Christo, & sigillum quo in baptismo insigniti sumus, teneamus. Baptizati sumus in nomine Patris, & Filij, & Spiritus Sancti, ut etiam tres personas intelligeremus, sed unum tantum Deum confiteremur. Hoc est illud unum testimonium, de quo Ioannes ait: Tres sunt qui testimonium dant in cœlo, pater, uerbum, Spiritus. Merito autem dant unum testimonium quia tres hi unum sunt.

Illum ergo qui utilia ad salutem nos docet, inuocantes altum non sapiamus, sed timeamus ne forte contristemus spiritum sanctum Dei in quo signati sumus in die redemptionis. Nihil nos scire arbitremur præter Iesum & hunc crucifixum

*Handwritten notes:*  
et. pater. uerbum. spiritus. sanctus.  
in. die. redemptionis.



cifixum: Omnia denique quæ nos Romana  
omnium mater Ecclesia docet, hoc animo, &  
desiderio addiscamus ac cogitemus, ut arden-  
tiores in unius ueri Dei cultu, magisque pii  
reddamur, per Dominum nostrum Je-  
sum Christum, qui cum patre, &  
spiritu sancto, in unitate ui-  
uit, & regnat per æter-  
na sæcula.

Amen.



Rome. die xviij. Julij. 1555.  
dono Audony.